

INISYATIBANG INIISPONSOR NG LUNSOD NA PANUKALANG DIREKTANG ISUSUMITE SA MGA BOTANTE

Isinusumite ng Konseho ng Lunsod para sa Lunsod ng Encinitas ang sumusunod na panukala sa mga botante ng Lunsod para sa pag-apruba at pagpapatupad:

SEKSYON 1. Pangalan.

Ang panukala sa balotang ito ay tatawagin at maaaring patungkulang "ang Panukala sa Buwis sa Negosyong Cannabis ng Lunsod ng Encinitas" at mula rito ay tutukuyin bilang ang "Panukala."

SEKSYON 2. Layunin.

Ang layunin ng Panukala ay bigyan ng awtorisasyon ang Konseho ng Lunsod ng Encinitas na magpatibay ng isa o higit pang ordinansa para magpataw ng Buwis sa Negosyong Cannabis, para sa mga layuning kumita, alinsunod sa mga seksyon 37100.5 at 37100.5 ng Kodigo ng Pamahalaan ng California, sa mga negosyo ng cannabis at hemp na nagnenegosyo sa Lunsod. Dapat ipataw ang Buwis sa Negosyong Cannabis sa mga kabuuang natanggap ng negosyo sa mga antas na nasa pagitan ng apat hanggang pitong porsyento (4% hanggang 7%) sa mga retail na paggamit ng cannabis, isa hanggang apat (1% hanggang 4%) sa mga hindi retail na paggamit, maliban sa pangkomersyong pagtatanim ng cannabis o pangkomersyong pagtatanim ng industrial hemp na dapat buwisan sa kuwadrangong talampakan sa mga antas na nasa pagitan ng dalawa hanggang sampung dolyar (\$2 hanggang \$10) sa bawat lugar ng canopy. Hindi ito isang buwis sa pagbebenta at paggamit, buwis sa kita, o buwis sa ari-arian at hindi ito dapat kalkulahin o tasahin nang ganoon. Ang Buwis sa Negosyong Cannabis ay hindi dapat tukuyin nang naiiba o kaya naman ay partikular na tasahin o singilin sa sinumang miyembro, kostumer, pasyente, o tagapagbantay. Ang Buwis sa Negosyong Cannabis ay isang pangkalahatang buwis na ipinapatud lang para sa mga pangkalahatan at pampamahalaang layunin ng Lunsod at hindi para sa mga partikular na layunin. Ang lahat ng malilikom mula sa mga buwis na ipinataw ng Panukalang ito ay dapat ilagay sa pangkalahatang pondo ng Lunsod at maging available para sa anumang layunin ng munisipyo na ayon sa batas

Samakatuwid, inoordenahan ngayon ng Mga Tao ng Lunsod ng Encinitas ang mga sumusunod:

**ISANG ORDINANSA NG MGA TAO NG LUNSOD NG ENCINITAS,
CALIFORNIA, NA NAGBIBIGAY NG AWTORISASYON SA
KONSEHO NG LUNSOD NA MAGPATIBAY NG ISA O HIGIT PANG
ORDINANSANG NAGTATAKDA NG BUWIS SA NEGOSYONG
CANNABIS NA NASA PAGITAN NG 4% HANGGANG 7% SA MGA
RETAIL NA NEGOSYONG CANNABIS AT NASA PAGITAN NG 1%
HANGGANG 4% SA MGA HINDI RETAIL NA NEGOSYONG**

CANNABIS AT MGA NEGOSYONG HEMP AT PARA SA PANGKOMERSYONG PAGTATANIM NG CANNABIS O PANGKOMERSYONG INDUSTRIAL HEMP NA DAPAT BUWISAN SA KUWADRADONG TALAMPAKAN SA MGA ANTAS NA NASA PAGITAN NG DALAWA HANGGANG SAMPUNG DOLYAR (\$2 HANGGANG \$10) SA BAWAT LUGAR NG CANOPY SA LOOB NG LUNSOD AYON SA HAYAGANG NILILIMITAHAN DITO.

SEKSYON 3. Hindi naisabatas na ordinansa.

Ang Konseho ng Lunsod ng Lunsod ng Encinitas, alinsunod sa mga pamamaraang itinakda sa Kodigo ng Pamahalaan at sa Kodigong Munisipal ng Lunsod at nang walang paunang pag-apruba ng elektorado, sa pamamagitan ng pagpapatibay at/o pagsusog sa isa o higit pang ordinansa ay maaaring: a) magpataw ng buwis sa pangkalahatang natanggap sa mga negosyong cannabis, nang hindi mas mababa sa 4% at nang hindi mas mataas sa 7% sa mga retail na paggamit ng cannabis, nang hindi mas mababa sa 1% at nang hindi mas mataas sa 4% sa mga hindi retail na paggamit ng cannabis, na mailalapat sa lahat ng negosyong cannabis na may mga pisikal na gusali sa Lunsod at/o nagsasagawa ng retail na paghahatid ng cannabis sa loob ng Lunsod; at b) magpataw ng buwis sa pangkomersyong pagtatanim ng cannabis o pangkomersyong pagtatanim ng industrial hemp na dapat buwisan sa kuwadrang talampakan sa mga antas na nasa pagitan ng dalawa hanggang sampung dolyar (\$2 hanggang \$10) sa bawat lugar ng canopy.

SEKSYON 4. Mga Kahulugan.

Tumutukoy ang "negosyong cannabis" sa anumang aktibidad ng sinumang taong sangkot sa cannabis o industrial hemp, kasama ang ngunit hindi limitado sa pagtatanim, pag-transport, pamamahagi, pagmamanupaktura, pag-compound, pag-convert, pagpoproseso, paghahanda, pag-iimbak, pagpapakete, paghahatid, pagsusuri, pag-dispense, pagbebenta nang retail at/o nang wholesale ng cannabis, mga produkto ng cannabis, industrial hemp, mga produkto ng industrial hemp at/o ng mga pansuportang produkto at accessory, ginawa man o hindi para sa kita, ngunit hindi kasama ang personal na pagtatanim ng cannabis alinsunod sa Seksyon 11362.2 ng Kodigo ng Kalusugan at Kaligtasan o ang Batas ukol sa Nauunawaang Paggamit at ang Batas ukol sa Programa ng Medikal na Marijuana.

Tumutukoy ang "canopy" sa lahat ng lugar na inookupa ng anumang bahagi ng isang planta ng cannabis o industrial hemp karatig man o hindi karatig ng anumang isang site. Kapag nag-okupa ang mga planta ng maraming pahalang na plane (katulad kapag inilagay ang mga halaman sa estante sa ibabaw ng ibang halaman) dapat bilangan ang bawat plane bilang hiwalay na lugar ng canopy.

Tumutukoy ang "tao" sa sinuman o anumang indibidwal, kumpanya, partnership, joint venture, asosasyon, korporasyon, limitadong pananagutang kumpanya, estate, trust, pangnegosyong trust, tagatanggap, sindikato, o anupamang grupo o kumbinasyong kumikilos bilang yunit o entidad, at sa maramihan gayundin sa isahan.

Kung hindi tinukoy rito, ang mga salita at pariralang ginamit sa ordinansang ito ay magkakaroon ng mga katulad na kahulugang ibinigay sa mga ito sa Dibisyon 10 ng Kodigo ng Negosyo at Mga Propesyon, kasama ang Seksyon 26001, at sa Titulo 4, Dibisyon 19, Departamento ng Kontrol sa Cannabis, ng Kodigo ng Mga Regulasyon ng California.

SEKSYON 5. Mga Pagbabago at Pagsusog sa Hinaharap.

Ang anumang pagbabago o pagsusog sa hinaharap sa ordinansang ito, kasama ang anumang pagbabago o pagsusog sa hinaharap sa anumang seksyon ng Kodigong Munisipal na naapektuhan ng o pinagtibay alinsunod sa Panukalang ito, ay maaaring mangyari sa paraang itinakda sa Kodigo ng Pamahalaan at sa Kodigong Munisipal ng Lunsod, at hindi ito mangangailangan ng boto ng mga tao, maliban kung ang anumang pagtaas ng buwis sa kabuuang natanggap nang mas mataas sa 7% o pagbawas nang mas mababa sa 4% para sa mga retail na paggamit ng cannabis, mas mataas sa 4% o pagbawas na mas mas mababa sa 1% para sa mga hindi retail na paggamit, o anumang pagtaas sa buwis sa pagtanim nang mas mataas sa sampung dolyar (\$10) o pagbawas na mas mababa sa dalawang dolyar (\$2) sa bawat lugar ng canopy ay mangangailangan ng boto

ng mga tao. Ang partikular na antas o mga antas ng buwis ayon sa nililimitahan rito ay maaaring itakda sa pamamagitan ng ordinansa o resolusyon ng Konseho ng Lunsod.

SEKSYON 6. Mga Hindi Pagkakatugma.

Ang anumang probisyon ng Kodigong Munisipal ng Encinitas o mga appendix nito na hindi tumutugma sa mga probisyon ng Ordinansang ito, hanggang sa sinasaklaw ng mga nasabing hindi pagkakatatugma at hindi lalampas dito, ay ipinapawalang-bisa o binabago hanggang sa saklaw na kinakailangan upang maapektuhan ang mga probisyon ng Ordinansang ito.

SEKSYON 7. Kakayahang Ihiwalay.

Kung ang anumang seksyon, subsection, pangungusap, sugnay, o parirala ng ordinansang ito ay ituturing na walang bisa o labag sa konstitusyon sa anumang dahilan ayon sa pasya ng anumang hukuman ng angkop na hurisdiksyon, hindi maaapektuhan ng nasabing pasya ang pagiging may-bisa ng mga natitirang bahagi ng ordinansang ito. Ipinapahayag ng Mga Tao ng Lunsod ng Encinitas sa pamamagitan nito na papagtibayin nila ang ordinansang ito, at ang bawat seksyon,

subsection, pangungusap, sugnay, o pariralang hindi ipinahayag na walang bisa o labag sa konstitusyon, nang hindi alintana kung ang anumang bahagi ng ordinansa ay ipapahayag na walang bisa o labag sa konstitusyon pagkatapos nito.

SEKSYON 8. Petsa ng Pagkakaroon ng Bisa.

Dapat ipatupad ang ordinansang ito ayon sa batas sampung araw pagkatapos ng sertipikasyon ng halalan kung saan ito pinagtibay.